



Broj/Број: 01,2-50-1-127-27/05  
Sarajevo/Сарајево: 19.9.2005.

### **ZAPISNIK**

sa 27. sjednice Komisije za vanjske poslove

Sjednica je održana 16.9.2005.godine sa početkom u 9,30 sati.

Sjednici su prisustvovali sljedeći njeni članovi: Martin Raguž, Seada Palavrić, Milorad Živković, Azra Hadžiahmetović, Sead Avdić, Vinko Zorić i Jelina Đurković.

Odsutni su bili: Nenad Mišić i Izet Hadžić.

Sjednici je prisustvovao i Jusuf Halilagić, tajnik Ministarstva pravde BiH.

Zapisnik je vodila Merdžana Iglica, tajnik Komisije za vanjske poslove.

Predsjedatelj Komisije za vanjske poslove je predložio sljedeći

### **DNEVNI RED**

1. Usvajanje Zapisnika sa 26. sjednice Komisije za vanjske poslove Zastupničkog doma Parlamentarne skupštine BiH, održane 2.6.2005. godine;
2. Razmatranje zaključaka Komisije za vanjske poslove o temi „Odnos institucija vlasti BiH prema mandatu Visokog predstavnika međunarodne zajednice u BiH“, temeljem rasprave zastupnika na 62. sjednici Zastupničkog doma, sa određenjem prema Prijedlogu Rezolucije o ovoj temi predlagača kluba SDP-a;
3. Davanje suglasnosti za ratificiranje:
  - a. Ugovora između BiH i Republike Slovenije o međusobnom izvršavanju sudskih odluka u kaznenim stvarima;
  - b. Ugovora između BiH i Republike Slovenije o izručenju;
  - c. Ugovora između BiH i Republike Slovenije o pravnoj pomoći u građanskim i kaznenim stvarima;
  - d. Ugovora između BiH i Srbije i Crne Gore o međusobnom izvršavanju sudskih odluka u kaznenim stvarima;
  - e. Ugovora između BiH i Srbije i Crne Gore o pravnoj pomoći u građanskim i kaznenim stvarima;
  - f. Ugovora između BiH i Islamske Republike Pakistan o izbjegavanju dvostrukog oporezivanja i prevenciji izbjegavanja poreskih obveza u pogledu poreza na dohodak;
  - g. Sporazuma između BiH i Republike Hrvatske o izmjeni Sporazuma između Vlade BiH, Vlade Federacije BiH i vlade Republike Hrvatske o pravnoj pomoći u građanskim i kaznenim stvarima;
  - h. Sporazuma o pravnoj suradnji u građanskim i gospodarskim stvarima između BiH i Republike Turske;
  - i. Sporazuma o suradnji u oblasti turizma između Vijeća ministara BiH i Vlade Republike Turske;
  - j. Sporazuma između Vlade BiH i Vlade Savezne Republike Njemačke o suradnji u oblasti kulture, obrazovanja i znanosti.
4. Tekuća pitanja.

**Ad.1.** Komisija je razmatrala predloženi Dnevni red Komisije za vanjske poslove Zastupničkog doma Parlamentarne skupštine BiH i jednoglasno ga usvojila.

**Ad.2.** Zapisnik sa 26. sjednice Komisije za vanjske poslove Zastupničkog doma Parlamentarne skupštine BiH, održane 2.6.2005.godine, jednoglasno je usvojen.

**Ad.3.** Raspravljajući o zaključcima Komisije za vanjske poslove o temi „Odnos institucija vlasti BiH prema mandatu Visokog predstavnika međunarodne zajednice u BiH“, temeljem rasprave zastupnika na 62. sjednici Zastupničkog doma, sa određenjem prema Prijedlogu Rezolucije o ovoj temi predlagača kluba SDP-a, Komisija je još jednom ponovila da je najveći dio prijedloga Rezolucije inkorporiran u zaključke koje je Komisija prezentirala Zastupničkom domu na njegovoj 62.sjednici, održanoj 19.7.2005., te da prijedlog Rezolucije daje značajan doprinos ovoj temi, no kako je postojalo više inicijativa, Komisiji nije prihvatljivo prijedlog Rezolucije usvajati kao samostalni akt. Stoga je Komisija Zastupničkom domu na razmatranje ponudila sljedeće zaključke:

1. Komisija za vanjske poslove Zastupničkog doma je, pripremajući raspravu na temu: Odnos institucija BiH prema mandatu visokog predstavnika međunarodne zajednice u BiH, a temeljem više inicijativa klubova i stranaka, među kojima je i prijedlog Rezolucije o odnosu institucija BiH prema mandatu i imenovanju novog visokog predstavnika međunarodne zajednice u BiH, predlagatelja Kluba zastupnika SDP u Zastupničkom domu, organizirala javno saslušanje na ovu temu.

U zaključcima sa javnog saslušanja Komisija za vanjske poslove je, između ostalih, ugradila znatan dio načela prijedloga Rezolucije koju je predložio klub zastupnika SDP-a, ocjenjujući da je prijedlog ove rezolucije dao značajan i sadržajan doprinos formuliranju zaključaka o odnosu institucija BiH prema mandatu visokog predstavnika međunarodne zajednice u BiH, koje je Komisija verificirala, a zastupnički dom usvojio.

2. Komisija za vanjske poslove, u smislu eksplicitnog određivanja prema prijedlogu Rezolucije, a s obzirom na karakter zaključaka koje je usvojio i Zastupnički dom, smatra da prijedlog Rezolucije ne daje zaokružen odgovor na sva postavljena pitanja o odnosu institucija BiH prema mandatu visokog predstavnika, pa kao takav prijedlog Rezolucije nije podržan.

**Ad.4.** Raspravljajući o davanju suglasnosti za ratificiranje gore navedenih ugovora i sporazuma, Komisija za vanjske poslove je za sedam sporazuma i ugovora iz njihove nadležnosti razmijenila mišljenje sa tajnikom Ministarstva pravde BiH, Jusufom Halilagićem. Uz pojašnjenja koja je tajnik dao Komisiji i konstatacije da u setu sporazuma o pravnoj pomoći u pojedinim domenima između BiH i susjednih zemalja, Srbija i Crna Gora ne prihvata sporazum o izručenju, Komisija je dala suglasnost za ratificiranje i naglasila da ovo pitanje traži ozbiljnu i sveobuhvatnu raspravu, te detaljan izvještaj iz Ministarstva vanjskih poslova BiH o stanju odnosa između BiH i susjednih zemalja, s posebnim akcentom na ugovorne odnose u svim domenima.

**Ad.5.** Pod tekućim pitanjima je naglašena potreba da se Komisija za vanjske poslove pozabavi svojevrsnom blokadom u radu Ministarstva vanjskih poslova BiH kao i u pojedinim diplomatsko-konzularnim predstavništvima, pa u tom smislu očekuje inicijativu od Vijeća ministara BiH i MVP-a kako bi se ovi problemi prevazišli.

Sjednica je završena u 10,15h.

Predsjedatelj Komisije  
**Martin Raguž s.r.**

Zapisnik sa 27.sjednice Komisije sačinila:

**Merdžana Iglica**, tajnik Komisije

Kopija:MVP-u BiH